

MAC-TALLA.

"An ni nach cluinn mi an diugh cha'n aithris mi maireach."

VOL. I. SIDNI, C. B., DI-SATHAIRNE, IANUARIDH 7, 1893. No. 33.

SIOSAL & CROWE,

Fir-Tagraidh, Comhairlichean
Notairean, &c.

SIDNI, C. B.

CAILEAN SIOSAL.

W. CROWE.

ARCHIBALD & CO.,

CEANNICHEAN.

Sealbhadairean Meinean Guail
Ghowrie

Murray & Mac Coinnich,

Comhairlichean, Fir-tagraidh,
&c.,

SIDNI TU TH, C. B.

G. H. MURRAY.

D. D. MAC COINNICH.

HEARN & HEARN,

Fir-Tagraidh, Notairean,
&c., &c.,

SIDNI & ARCHAT.

J. H. HEARN.

D. A. HEARN.

D. A. Mac Fhionghain,

Fear-Tagraidh, Comhairliche,
Notair, Etc.

Baile - Sheorais, Eillean
Phrionns' Iomhair.

Mac Gillios & Mac Eachuin,

Comhairlichean agus Fir-Tag-
raidh aig Lagb,

Sidni & St. Peter's, C. B.

Joseph A. Mac Gillios. A. J. G. Mac Eachuin.

NAIDHEACHDAN NA SEACHDAIN.

Ann an Kentucky aon la air an t-sheachd-
sin sa chaidh, thugadh duine dubh a
bhatar a toirt dha'n phrìosan bho na
maoir, 's chaidh a chrochadh ri cràibh 'sa
chorp a dheanamh na chriathar leis na
peileirean. Uhan eil an se ach sgeul a
tha tighinn gle thrice as an duthich sin.

Tha soitheach-seolich *Geancach* air a
glacadh aig *St. Pierre* air son an caipitean
'san sgioba 'bha toirt airgid meallta do
na ceannichean air son an cuid bathair.
Chuir iad air an doigh sin call mor air
muintir a bhaile Fhrangich, ach fhuaras
a mach an innleachdan an deagh am, 's
rinneadh greim orra.

Chaidh duin og a mhuinntir *Thoronto*
bha *Spiley* a mharbhadh le
peileir gunna ann an *Chicago*, oidhche
Dior-daoin air an t-sheachdain 's chaidh.
A reir coltais 'sann ri meirle bha e 'nuair
a loisgeadh air. Tha 'mhathair a fuireach
an *Toronto* agus bha duil aice ris dhach-
idh mu latha na bliadhna uire. An aite
sin 'se fhuair i sgeula bronach a bhais.

Bha *Frank Brown*, tuathanach an *New*
Brunswick ann sa choille an la roimhe a
gearradh chraobh. Thuit an tuagh as a
laimh 's ghearr i da mhiar glan dhe chois,
's cha mhor nach tug i leatha na tri eile.
An deigh sin, choisich e dhachidh gu
stolda 'san da mhiar aige na dhorn mar
gu'n robh eagal air gum biodhte diumbach
dhe nan caillleadh e iad.

Nuair a bha 'm bata-smuid *Stanley* air a
turus bha *Charlottetown* gu *Pictou* *Di-*
sathairne 's chaidh fhuair i soitheach-
seolidh, fada bho thir, 'si air a cuartach-
adh le deigh. Bha 'n sgioba gun bhiadh
gun amblan, 's cha robh sradag thein' aca
air bord. Bha 'n t shide aig a cheart am
gle reota. Bha 'n soitheach da'm b'ainm
an *Reul Mhaidne* air a tarruing gu *Pictou*,
far an d'fhuair na daoine bochda bh'air
bord biadh us biaths gu leor.

Tha *Samuel Clarke*, *Scotstown*, *Quebec*
a sgrìobhadh. "Feumidh mi radh gu'n
d'fhuair mi *K. D. C.* na leigheas math
air *Grech-stamaig*. Fhuair mo bhean
feum mor dheth, agus molidh mi e do
mhuinntir eile.

Tha fios a *Boulogne* ag innse naidheachd
neonach mu shaighdear *Frangach* a bha
air a ghlacadh ann an cogadh 1870 leis na
Gearmailtich. Thug e iomadh ionnsidh
air teicheadh uaithe sin, ach bhatar a
breth air a h uile turus sa toirt tuilleadh
dhe'n phrìosan dha. O chionna beagan
lathann leigeadh ma sgaoil e an deigh a
bhi na phrìosanach fad da bhliadhna 'ar
fhichead. Thanig e gu *Boulogne* far am
b' abhast dha bhi deanamh a dhachidh 's
fhuair e an sin gu robh a bhean an deigh
fear eile phosadh, 's teaghlach mor aca.

Ged a fhuair na croitearan *Gaidh-*
ealach mal an fhearinn isleachadh, agus
ged nach eil iad idir cho mor an
eiseameil nan uachdaran sa bha iad
bliadhnichean roimhe so, gidheadh tha
iad ag iarraidh tuilleadh ceartais agus
gheibh iad sin luath no mall. Tha na
mìrean fearinn air am bheil iad a comh-
nuidh cho beag 's cho neo-thorach 's
nach eil e comasach dhaibh beolaind
cheart a dheanamh orra. Tha aig a
cheart am mìltean de dh'acairean fear-
inn fo chaorich 's fo fheidh air am
faodadh tuath barr agus spreidh gu leor
a thogail, ach gus a so chan fhaigheadh
iad leud am broige dhe'n fhearann sin,
agus chan eil lagh san rioghachd a
cho eignicheas na h-uachdarain gus a
thoirt dhaibh. Ach an drasda tha
Ard-Chomhairle air a chuir a mach le
ughdaras na ban-righ air son fhaicinn
gu de na tha de dh'fhearann math
tuathanachis fo chaorich 's fo fheidh
air a *Ghaidhealtachd*. Nuair a gheibh
daoine-uaisle na *Comhairle* gach fiosrach-
adh a's urrinn dhaibh, bheir iad am
barail do'n pharlamaid, 's ma chithear
an sin gu bheil tuilleadh 'san coir fhein
fo na caorich no fo na feidh, bidh lagh
ur air a dheanamh leis am bi am fear-
ann a tha fopa air a roinn na ghabha-
lichean, 's air a chuir fo thuath. Tha
dochas math aig na croitearan gu'm bi
an lagh so air a dheanamh ri linn na
h-Ard-Chomhairle. Tha Breatuinn a
reir coltais a dusgadh gu bhi faicinn an
ana-ceartais fo'm bheil iad a fulang, 's
ma dh'fhaoidte gu fanadh na duisg gus
am bi 'n t-ana ceartas sin air a sguabadh
gu buileach air falbh.

MAC-TALLA.

Tha Mac-Talla air a chur a mach a h-uile Di-Sathairne, aig Sidni, C. B.

A PHRIS BHLIADHNAIL:

Ma phaignear air a shon toiseach na bliadhna, \$0.50
An ceann shia mìosan 0.75
An ceann na bliadhna 1.00

Neach sam bith a chuireas thuginn sia ainm-ean us tri dolair, gheibh e bliadhna dhe'n Mhac-Talla 'nasgidh.

'Se Mac-Talla 's aon phaipear Galig 'an America, agus bu choir do na Gaidhil an uile dhìchìoll a dheanamh air a chumail suas.

J. G. McKINNON,
Mac-Talla,
Sydney, C. B.

SIDNI, DI-SATHAIRNE, IANUARIDH 7, 1893.

Tha'n cholera a togail a cinn a rith-ist. Bhasich dìthis no triuir leathas ann an Gravelines, sa Fhring air an t seachdain s'a chaidh, agus bha daime no dha air a bhualadh leatha as ur. Ann a Hamburg, o chionn ghoirid, bha cchd deug thar fhichead ann san ospadal, tinn leis a ghalair cheudna. Mur cuir ear as dhi fhad sa tha fuachd ann, faodidh sul a bhi aginn ri a faicinn a deanamh sgrios mor, chan ann a mhain san Roinn Eorpa, ach mar an ceubna ann an America, nuair a thig blaths an t-shamhrìdh.

Bha an t-Onarach Uilleam E. Gladstone, Prìomh Mhinistear Bhreatainn, ceithir fichead bliadhna 'sa tri a dh-aois air an 29mh la dhe'n mhios s'a chaidh seachad. Air an latha sin, chuir a bhan-rìgh agus moran dhe a cuid iochdran fiosan da ionnsidh a cur failt air, 'sa deanamh comb-ghairdeachas maille ris. Tha Mr. Gladstone aig an am so air tir mor na Roinn-Eorpa air son a'shiante, agus tha e dol na's treise gach laitha. 'Sann gle ainneamh an eachdridh an t-saoghail a chunnacas duine cho sean a gabhail air fhein a bhi riaghladh rioghachd. Ach chan e mhain gu bheil Gladstone a gabhail as laimh a bhi stiùireadh na rioghachd is mo agus is cumhachdiche air uachdar an domhain, ach bhiodh e gle mbitheilichte 'n dràsda nan rachadh an stiùir a thoirt as a laimh. Tha e meas gur fhearr na laimh fhein i na an laimh fir sam bith eile.

Chaidh fear Iain Richardson a mhuinntir Windsor a reothadh gu bas air an t-raid oidhche Nollaig. Bha'n daotach air aig an aon.

FALTE NA BHLIADHN' UIRE.

A MHC-TALLA RUNICH;

Tha sinn leis gach deagh dhorachd a cur falte ort fhein agus air do luchd-leughidh anns gach cearna d'an duthich, BHLIADHNA MHATH UK dhuibh, us gu leor dhuibh! Tha dorachdas air laidhe air an t-seann bhliadhna, 's i air seoladh gu ionad na di-chuimhne, agus a ghrian air eirigh gu boisgeil air bliadhna' uir. Tha mi an dochas gu bheil sibh uile gabhail pairt ann an toil-inutinn, gleadhraich, agus cridhealas na Nollaig agus na Callainne. Buinidh e dhuinn a bhi guidhe soirbh eachadh math d'a cheile air a bhliadhna so air am bheil sinn a nis air inntreachadh. Is ann mar so a mhain, agus air reir 's mar a chaithear i, le bhi seachnadh an uile agus a deanamh a mhath, a bhios i dhuinn da-rìreadh na Bliadhna Mhath Ur. Co-dhuinidh mi le bhi cur sìos beagan rann a rinneadh uair-eigin do'u Bhliadhna' Uir:—

Bliadhna' eile theich air meadhon o'ch Ghluais uainn gun fhuaim gun ghlaodh;
'Na h-aonar dol gu sìor ui l'eachd,
Mar thaibhs gu cuan gun ghaoith.
A math 'san t-olc 'chaidh chur an gnìomh,
Leath' 'n teid iad sìos nan ceann?
Cha teid, ach ruithidh o bhliadhna gu bliadhna,
Mar shruth o ghleann gu gleann.
Ri math, 's chan ann ri olc, their thu,
Bliadhna Mhath, Ur!

Us smuainich fein us roghnich fein,
Co riaghilt dhuit a's fhearr;
'Bhi deanamh math areir do threis,
No triall air slighe chearr.
Tilg naimhdeas uat m'an abuich e,
'S m'am fas e dhuit mar lon,
Ach mar ghath grein' air linne dhuinch'
Bi thusa 'n tigh a bhroin,
Us abair ris a mhuinntir chiurr',
Bliadhna Mhath, Ur!

Droch chleachdinn tilg gu buileach uat,
Us mi-run fag ad dheigh;
Gleidh math ad ghlaic ach O, an t-olc
Fag leis a bhliadhna 'threig.
Rach sìos troimh amannibh a dh'fhalbh,
Mar troimh ghleann dorch nan craobh,
Thoir as gach eiseimpleir a's fhearr,
Us gleidh iad dluth ri d' thaobn.
S mar sin ri d' chridhe fein their thu—
Bliadhna Mhath, Ur!

Is mise,
An Gille Dubh.

CEANN-GOIRT.—O chionn trì mìosan bha mi teann air a dhol gorach le ceann goirt. Thoisich mi air gabhail B. B. B. agus an deigh dhomh da bhotull ol chuibhtich an goriteas mi gu buileach. Is leigh-eas iongatach e. LETTICE CODES, Lonsdale, Ont.

BURDOCK

Riaghiltichidh e 'n stamag, an gruan's na h-airnean, glanidh e 'n fhuil's bheir e air falbh a h-uile neo fhallaineachd, bho ghuirean gu tinneas an rìgh.

BLOOD

LEIGHSIDH E

DROCH STAMAG, DOLASACHD,
CEANGAL-CUIH, CEANN GOIRT,
TEINE-DE, EASBA-BRAID,
LOSGADH-BRAID, STAMAG GHEUR,
TUAINEAICH MEUB-BREONN,
LOINE, GALAIREAN CRAICINN.

BITTERS

Am bheil Piano, Organ ro Inneal-fuaigheal a dhith ort?

Cha'n eil inneal-ciùil ann an Canada ni's fhearr na Pianos agus Orgain "Kharm." Fhuair iad cliu mor aig Feill Halifax an uiridh.

Agus 'se 'n "Raymond" agus an "New Williams" an da Inneal-fhuaigheal a's fhearr a tha ri'm faotainn air thalamb.

Airson tuilleadh fiosrachaidh ruig, no sgrìobh gu

C. B. TRAVIS,
P. O. Box 68, Sydney, C. B.

LEUBH SO.

Tha mi reic Uidheaman-Giulain dhe gach seorsa na's saoire na gheibhear an aite sam bith eile 'n Ceap Breatainn. Bheir mi dhuit Cairt-Rathaid air \$22. Tha mi dol an urras air gach Carbad a ni mi gu'm bi thu riaraichte leis.

Ceannaich do Charbadan 'nad dhùthaich fhein, 'sna bi cuir do chuid airgid air falbh, gu h-araidh, 'nuair a gheibh thu cho saor agus cho math aig an tigh

D. W. Mac Fhionghain,
SIDNI TUATH, C. B.

TURUS FEACHAIBREACHD.

Mu'n do sguir Daibhidh a bhruidhinn, bha Uilleam ag ainbarc air cho gear 's gun s'oilleadh tu gu'n leumadh a dha shul as a cheann. "Ma ta, a Dhaibhidh, tha ioghnadh mor orm do leithid fhein de chuine 'chluinntinn a bruidhinn air an doigh sin. Shaolinn gu'm faodadh tu an te a tha marbh a chuir fo'n uir, mu'n toireadh tu comradh air te eile chuir na h-aite." "Chan eil mi faicinn gu'n deanadh sin muthadh mor sam bith," arsa Daibhidh. "Co-dhiu, bha dail agam a dhol a nach an deigh mo dhuinearach, 's toll a chladhach air cul an t-shabhail gus a cuir ann. Chan fhaigh mi creic oirre 'n drasda, tha daoine cho cruaidh." "A Dhaibhidh Ghrannud!" arsa Uilleam, "nach nar 's nach maslach, dhuit fhein a bhi bruidhinn mar sin, thusa tha 'nad eildeir san eaglis! Gu dearbh, b'e sin an t-eildeir! Ach cha leig mi leis a chuis a bhi mar so na's fhaide. Theid mi null far am bheil am ministear, agus innsidh mi dha gach ni, facal air an fhacal. Tha lan am aige fhaotinn a nach de'n seors' eildeirean a th' aige," agus le sin ghabh e mach air an doras. Cha robh tigh a mhinistear thar da cheud slat bho thigh Dhaibhidh, 's mar sin cha tug Uilleam gle fhad air an rathad. Chunnic am ministear e tighinn agus choinnich e aig an doras e. "Seadh, Uilleam gu de tha cuir ort? Feumidh gu bheil rud-eigin cearr, nrair a tha thu ann an cabhag cho mor." "Gu dearbh, sibhse dh'fhaodadh sin a radh," arsa Uilleam; "tha rud-eigin cearr, agus gle chearr! B'fhearr leam gu'n rachadh sibh a null far am bheil Daibhidh Ghrannud, oir se mo bharrail gu bheil e air a dhol as a rian." "Gu de tha thug radh?" arsa am ministear. "Ga de thanig ri Daibhidh?" "Ma ta, le'r cead, tha Seonaid a bhean marbh. Thachd i i fein re na h-oidhche, agus thanig fios thugamsa, 'dhol a null leis an deile. Rinn mi sin, ach an aite Daibhidh a bhi tuireadh air son a mhna, 's ann a thuir e riam gu robh e'n duil te eile fhaotinn cho luath sa b'urrinn dha, 's chan e sin a mhain, ach gu robh sul aig air te cheana. Agus nuair a thuir mise ris gu'n bu choir dha an te bha marbh a chuir fo'n fhod an toiseach, 'sann a thuir e gu robh e dol 'ga cuir ann an toll air cul an t-shabhail, se sin mur faigheadh e a creic. Ach tha 'n duine as a chiall, ma's math mo bharrail-se." "Bean Dhaibhidh marbh!" arsa am ministear. Nach neonach nach cuala mi mu dheibhinn a bais 's-i bhi cho faisg air laimh. Ach stad beag ort; gheibh mi m'ad 's theid mi null coinhlairiut."

Nuair a ranig iad fhuair iad Daibhidh a spaisdearachd air an urlar, gun fhios aige de dheanadh e dhe'n dol-air-adhart a bh'air Uilleam. "Tha mi fior dhuilich air do shon," arsa am ministear, "agus bha e cuir mor iongatas orm nach do chuir thu fos orna. Saoil nach deaninn beagan

caideachidh leat 'nad thrioblaid. Chan eil mi buidheach dhìot idir nach do chuir thu 'gam iarridh." "Chan eil mi tuigsinn," arsa Daibhidh, "co air a tha sibh a bruidhinn." "Cha mhor feum a dheanadh sibh dhomh, ged chuirinn ga'r 'n iarridh. 'Sann ormsa bhios an call co-dhiu, 's cha robh romham trioblaid iuntinn sam bith a ghabhail dheth." "An deigh ra thanig as do bheul an drasda," arsa am ministear, "tha mi faicinn nach eil feum sam bith a bhi reusanachadh riut; agus tha mi ro dhuilich gu bheil do leithid na bhall d'an eaglis agam; 's chan e mhain sin ach na eildeir; dume gun bheus gun mhath mar a tha thusa; ach theid mise 'n urras nach fhada bhios gnothuichean mar sin; gairmidh mise coinneamh cothionail 's theid do chuir air cul eaglis. Cha bhi thu na's fhaide 'nad eildeir agamsa!" Fao-didh sibh a Chleir a thoirt cruinn ma thogras sibh," arsa Daibhidh 'sa nadar ag eirigh, "tha mise gle choma co-dhiu, ach 's fhada mas gairmeadh sibh aona chuid coinneamh Cleire no cothionail air son te eile fhaighinn dhomhsa, 's chan eil mi'm barrail ged a ghairmeadh, gur mor a b' fheairde mi e." "Chan fhan mise san tigh so na's fhaide gu bhi faighinn taire mar so," arsa am ministear 'se toirt an do uis air, ach chuir Uilleam stad air. "Hud, ud, a dhuine!" arsa esan, "cha dean math dhuibh an tigh fhagail mar so! Mur dean an seann phaganach so a dhleasanas feumidh cuid-eigin eile 'dheanamh air a shon. Bi'dh mise falbh an drasda 's gheibh mi nabaidh no dha gus mo chuid-eachadh a sineadh a chuirp air an deile. Ged a tha esan mar a tha e, feumair ise tha marbh adhlacadh air doigh cho rianail 's cho Criosdail sa's urrinn dhuinn.

(Re leantuinn.)


Ann sna bliadhnichean a dh'fhalbh b'abhist do dhaoine bhi 'gearain air fuachd us cruas nan gearmhridhean, ach 'sna bliadhnichean so sann a bhios iad a gearain air blaths 's air briaghad na h-aimsir. Feumidh an gearain a bhi ann co-dhiu!

NA'S FHEARR NA CACH UILE.—Tha aon leigheas ann na's fhearr na cack uile air son casadich, tuchadh, cuing, amhach ghoirt, 'san leithide sin. 'Se 'n leigheas sin Dr. Woods Norway Pine Syrup, a tha deanamh feum mor ma'n am so 'n bhliadhna.

Tha'n "Scottish Canadian" air a chuir a mach ann an Toronto, uair 'san t-sheachdain, tha fichead taobh duilleig ann, 's tha e toirt naidheachdan na h-Alba uile gach seachdain. 'S fhiach e dolar gu leth 'sa bhliadhna. Gheibh neach sam bith a chuireas thuginn dolar gu leth, an "Scottish Canadian" us MAC-TALLA fad bliadhna, agus mar an ceudna leabhar beag de dh'Orain Albannach. Ma tha toil agad a bhi gabhail an da phaipeir, so an t-am. Sgriobh gu

J. G. MCKINNON,
Sydney, C. B.

**A. J. PEUTAN,
FEAR-ADHLACIDH.**



CISTEACHAN-LAIDHE BHO \$2.00 GU \$90.00.

Anart us Lion-aodach dhe gach seorsa, Deiseachan-Donna, Curraican, Lamhannan, Stocainnan, Gleus Airgid air son chisteachan &c., &c.

Carbad-Mairbh aig laimh Daunnan.

DE THA BHUAT?

Ma 'se UIDHEAM-EACH de sheorsa sam bith a tha bhua taghil aig

F. Falconer & a mhae.

Tha iad an deigh a chuid a's mo de bhathar a gheamhradh a chuir a stigh, 's bheir iad dhuit bian, brat-eich, cota-lem, cluig, cuip, trung, valise, maileid no na sam bith dhe'n t-sheorsa sin na's saoire na gheibh thu 'n aite sam bith eile.

Cha mheas iad mar dhragh idir ann bathar a shealltuinn.

Ma tha dealbh mhath a dhith ort ruig

**UILLEAM W. DILLON,
SIDNI, C. B.**

Bi'dh e toileach feitheamh ort uair sam bith a thig thu. Dealbhan beaga air an meudachadh agus air an deanamh cheart cho boidheach.

Sgathain agus gloine uinneag air a phris a's isle.

Seallaidhean air Ceap Breatuinn air laimh an comhnuidh 's air an reic gu saor.

TAGHAIL AIG

Aonghas Domhnullach,

CEANNAICHE,

SIDNI, - - - C. B.

Tha Flur, Min, Siucar, Ti, Tombaca, Coirce, Feur, agus iomadh ni eile aige.

RTN REIC SAOR

Nuair a thugadh Pàdrùig Sellar air beulaobh nam Morairean bìad so na nithean a chuireadh as a leth mar chionta.

1. *Cur a mach teine*, le lèsgadh taigh duine bhochd, maille ri shabhal, agus taighean eile, a bha 'na aobhar air triobhaid agus bas a thoirt air.

2. *Leagail* agus cur as a cheil *meilinn*, far am bidh an tuath a' bleith an cuid mine.

3. *Cur teine ris an fhraoch* roitah an am, na bha 'na chail da 'n tuath, le bhì milleadh nan nithean air am biodh an spreidh a' beathachadh san earrach.

4. *Leagail thaighean* anns an robh seann mhuinntir bhreithe air an leabaidh; na chuir am beatha ann an cunnart, agus a thaobh dream araidh a rinn an laithean a ghiorrachadh.

5. *Leagail sios* agus cur as a cheile *Shaibhlean*, thaighean ehorach, agus athannan far am biodh an tuath a' cruadhachadh an sì air son mine.

6. Moran de choireannaibh eile na bu lugha.

Ann an litir a sgrìobh an Siorraim Raibeard MacKidd a dh'ionnsuidh Morair Stafford, ag innseadh mar a b'èiginn da Pàdrùig Sellar a ghlacadh agus a thoirt gu cuirf, tha e ag radh, "Is ainmig a bha duthaich san bith riabh air a miaslachadh le oucoirean bu lionmhoire, agus a b' eamhasaiche, a rinneadh le aon duine; agus is ainmic a bha cuirtean na h-Alba air an salachadh le 'n leithid sin."

Ged a fhuair Sellar a' bho'n chuirf gun a bhì air a dhiteadh, gidheadh thug a bhan-larlà cead da fhein agus do Mhr. Young, air chor as nach robh iad tuilleadh nam Fir-ghnothaich, na nam Factoran aice. Ghairm i an sin air Mr Lech, Fear-Parlamaid air son nan saor-bhailtean Tuathach, gu bhì 'na Ard-shear-ghnothuich, agus maille ris-san bha Mr. Suttar, mar fhear-cobhair fo a laimh. Ach mo thruaighe! cha robh an t-atharrachadh so chum feum no saorsa do na Cataich bhochd. Cha robh e dhàibh ach mar as a' ghriosaich da'n amhuinn theintich. Oir lean na Factoran ura air obair an Di-lar-achaidh, ann an cas-cheumaibh Shellair agus Mhr. Young. Chuir iad a' mach luchd-losgaidh le leusan teine agus chi teadh tri chiad taigh 'nan lasraichean aig an aon am. Chuireadh moran de'n tuath bheag a nach as an taighean air a' thliadhna 1819 agus air a' bhliadhna 1820. B'ann mu 'n am so a chuireadh air falbh Iain Sutharlan, an fheilidh, a thainig gu Abhainn Bharnaidh ann am Pictou. Thainig e fhein, agus da mhac, maille ri triuir nighean, a' nall air a' bhliadhna sin. Bha Aonghus Mac Aoidh, a bha 'na eildear aig Abhainn Bharnaidh, pòda ri Muir-


eall, an nighean a b'èig aig Bodach an fheilidh. Thainig e a Sgìreachd Chline far an robh Mr Bhaltair Ross 'na mhinistear. Is minic a chualas e ag aithris sgalachdan abhachdach mu thimchioll a' mhinistear so a bha na bu deidheile air sp'rs na bha e air searmonachadh. Aig amannan araid an deigh na searmoin bheireadh e fios-rabhaidh do'n t-sluagh, ag radh. "Ma bhios an latha maireach fiuch bidh coinneamh urnuigh againn anns an Eglais; ach ma bhios e tioran bidh sinn a' ruith 's a' ruagadh an t-sionnaich." Cha robh ach ministearan meadhonach, cuibheasach, anns an fheadhainn a bha am Patron a' foirneadh agus a' sparradh a stigh a dh'aindeoin air an t-sluagh ann an Cataobh. Uime sin cha d' rinn iad moran feum do'n phobull. An Sionnach mor ruadh a bu choir dhaibh a bhì a' ruith 's a' ruagadh, bha iad a' leigeil leis a bhì a' milleadh agus a' reubadh an treud.

D. B. B.

COM FAISG AIR LAIMH E.—Tha botull de Haggard's Yellow Oil agam daonnan air son gearridhean us bruthidhean. Tha m'inntir an taighe 'ga chleachdadh, cha n'hor air son a h-uile eucail. Tha fhios am gur leigheas math e.

Bha teine ann an Charlottetown air an t-sheachdain s'a chaidh a loisg fiach ceud mìle dolair de thaighean. Chaidh aireamh dhe na taighean-ceannachd bu bhriagha sa bhaile 'fosgadh gu lar.

Fa' nach bì cion-cnamhidh bidh cha bhì cholera. Glani h



do stamag air chor 's nach dearg cholera ort.

Sampull a nasgidh gu nach sam bith.

K. D. C. COMPANY, LTD.

New Glasgow, N. S.; Canada.

Ainmich am faipear so.

D. MAC ILLINNEAN,

TAILEIR,

SIDNI, - C. B.

Aodaichean Sassunach agus Albanach dhe gach seorsa 's grinnae 's fhearr, a feitheamh ri'n cur gu feum. Duine sans bitn a dh' fhagas a thomhas aig Mac Illinnean, bidh e cinnteach a deise cho cumadail 's cho lasanta 'sa gheibhear air aite sam bith.

Taghail aig Stor

MATHESON, TOWNSEND & CO.,

agus faic na tha aca de

Bhathar de gach seorsa,

agus e ri reic gu saor.

Math ar Duthcha tha 'nar beachd.

FAIC SO.

Tha sinn a cumail uan Amhlau a'g fhearr ann an Sidni 's tha sinn 'g an reis na's saoire na neach sum bith eile. Tha 'm Flur aginn leth dolar na's saoire na gheibhear aig aon sam bith sa bheile. Tha ar Ti ro mbath agus gle shaoi; tha gach ni air a reic aig a phris a's isle.

Reicidh sinn Flur, Min, no bathar sam bith air son Im aig pris airgid.

Taghail aginn nuair a thig thu do'n bhaile agus faic ar Brogan,—an cunnradh a's fhearr a ghabhas faotinn.

C. H. HARRINGTON & CO.

Sidni, C. B.

COMHRADH.

"De'n uair a tha e?"

"Tha e coig mionaidean an deigh tri."

"Ciamar a tha fios agad?"

"Nach do sheall mi air m' uaireadear."

"Dh'fhaoidte gu bheil an t-uaireadear sin ro-luath."

"Cha'n eil e luath no mall riamh on a chaidh a chuir air doigh mu'n am so 'n uridh. Bha e roimhe sin cho mi dhoigbeel 'sa bha 'leithid riamh, air aon spoig, 's cho gliogach 's nach b' urrainn dhomb feum sam bith a dheanamh dheth. Ach an drasda 'se uaireadear cho math sa tha 'san dulhach."

"Co 'charaich e?"

"O, nach be cheist e! Charaich

GUZZWELL & RHODES,

ann an Sidni, feadhainn da 'm b'athas charach."